

Ka fao pitsi e hweditšego mebala ya yona



SEPEDI

Kgato
ya:

1

Puku ya

3



Go bala ka sehlopha ga go hlahlwa

Pele o bala

- Phetlolla matlakala a kanegelo yeo ba tlilego go e bala. Boledisanang ka ga diswantsho.
- Kgopela barutwana gore ba nagane gore kanegelo e ka ba mabapi le eng ka go lebelela hlogo ya kanegelo le diswantsho.
- Hlagisa mantšu a maswa goba a bothata pele barutwana ba ka bala kanegelo.
- Dira dikarata tša mantšu e le go hlagisa tlotlontšu ye mpsha (lebelela lenaneo la tlotlontšu ye mpsha kua bokagareng bja letlakala la mafelolo la khabara.

Go bala la mathomo

- Barutwana ba swanetše go bala sengwalwa ka bobona
- Barutwana ba swanetše go bala ka setu goba ba ka bala ka go hebehebetša
- Tloga go morutwana yo o ye go yo mongwe, gomme o kgopele morutwana yo mongwe le yo mongwe gore a balele karolo ye nngwe ya sengwalwa godimo

Ditherišano

- Botšisa dipotšiso tša tekatlhao loganyo tše di theilwego godimo ga sengwalwa
- O tla lemoga gore mešongwana ye e lego kua mafelelong a puku e bohlokwa go hlahlha ditherišano ka phapošing. (Kgetha mešongwana ya maleba yeo e swanelago boemo bja barutwana.)

Go bala labobedi.

- Mo go matšatši ao a latelago, dumelela barutwana go bala puku gape, ka babedi ka babedi goba morutwana a le noši.
- Ela šedi go bala ka go thelela, popopolelo le tlotlontšu.
- E re barutwana ba ngwale mešongwana ya dihlopha ya go hlahlwa yeo e lego kua mafelelong a puku. (Kgetha mešongwana ya maleba yeo e swanelago boemo bja barutwana.)

E re barutwana ba diragatše diteng tša
sengwalwa ge go kgonega.





Barutwana ba swanetše go dira mešongwana ye e theilwego godimo ga go bala ka dihlopha ka morago ga ge ba badile. E re barutwana ba šome ka dihlopha go ngwala mešongwana ya maleba ya go bala ka dihlopha yeo e lego kua mafelelong a puku. Ba se ke ba ngwala ka pukung ye. Mešongwana ya go ngwalwa e swanetše go ngwalwa ka dipukung tša bona tša go ngwalela.

Ka fao pitsi e hweditšego mebala ya yona



Kgalekgale dipitsi ka
moka di be di le tše
tšhweu.





Ka letšatši le lengwe
Morena le Mohumagadi
Pitsi ba be ba laleditšwe
moletlong.


Ba be ba nyaka go
bonagala ba le ba babotse
ka fao ba ipenta ka mebala
ya go taga.





Ba ile ba lebelelana, gomme
Mohumagadi Pitsi a re: "Re
tloga re sa bonagale re le ba
babotsana!" Morena Pitsi o ile
a dumelana le yena.

Mohumagadi Pitsi o ile a tšea
sephetho sa go penta kgara ya
gagwe ka boso, gomme Morena
Pitsi yena a penta maoto a
gagwe a morago, ka boso.





Le ge go le bjalo, ga se ba rata ka
fao ba bego ba bonagala ka gona;
ka fao, ba ile ba hlapa, ba tloša
pente yela.

Ka morago ga fao ba ile ba tšeа
sephetho sa go penta mebele ya
bona ka moka ka methalo
ye meso.

Ge ba feditše go penta methalo,
ba ile ba lebelelana, gomme
ba kgahlwa ke seo ba bego
ba se bona. "Bjale gona re ba
babotsana," ba realo.

Šebale! Ba tloga, ba lebile
moletlong. Ba be ba kgahlegile
kudu ka fao ba bego ba lebega.



Ge Morena Pitsi le Mohumagadi
Pitsi ba fihla moletlong,
diphoofolo tše dingwe di ile tša
makatšwa ke ka fao ba bego ba
bonagala ba le ka gona.


"Le ba botsana," gwa realo tlou.

"Le a bogega," gwa realo kubu.

"Le a kgahliša," gwa realo
tšhukudu.

"Re leboga kudu," gwa realo
Morena le Mohumagadi Pitsi.


"Le rena re rata methalo
ya rena!"




Bohole bao ba bego ba le
moletlong ba ile ba rata
methalo ya bona.

Mohumagadi Thutlwā o ile
a botša Mohumagadi Pitsi
gore methalo ya bona e
tloga e ba swanelā.

Ke ra le Kgoši Tau o ile a ba
botša ka fao ba bego ba le
ba babotsana ka gona.






Kgoši Tau o ile a šišinya gore
dipitsi ka moka di ipente ka
methalo ye meso, gomme ka
gore Tau o be a le kgoši, dipitsi di
ile tša mo hlompha tša dira bjalo.






Ka morago ga matšatši a se makae, dipitsi di ile tša ya nokeng gore di hlapé, ka maikemišetšo a gore methalo e tloge, eupša methalo ga se ya phumoga.

Go be go diregile eng? Letšatši le be le tšhumile methalo gore e tsenelele mo mebeleng ya tšona.



Go fihla le lehono, ge dipitsi
di re di a hlapa go phumola
methalo ya tšona gore e
timelele, methalo ga
e phumolege.

Ke ka lebaka leo dipitsi ka moka
di sa nago le methalo ye meso.



Dipitsi tše senyane tše nnyane




E tee e nnyane, tše pedi tše nnyane,
Dipitsi tše tharo tše nnyane,
Tše nne tše nnyane, tše hlano tše nnyane,
Dipitsi tše nnyane tše tshela,
Tše šupa tše nnyane, tše seswai tše nnyane,
Dipitsi tše nnyane tše senyane,
Di tshetshetha di putla molala.

Tše senyane tše nnyane.
Tše seswai tše nnyane,
Dipitsi tše šupa tše nnyane,
Tše tshela tše nnyane, tše
hlano tše nnyane
Tše tharo tše nnyane,
tše pedi tše nnyane,
Pitsi e tee, ye nnyane,
Di tshetshethela
morago gape.



Dikgakollo go morutiši:
E opelwa ka molodi
wa MaIndia a Lesome
a Mannyane



- Pitsi ye nngwe le ye nngwe e na le patronne ya yona ya methalo ya boso le ya bošweu.
- Dipitsi di na le mesela ye meteletele (50 cm).
- Dipitsi di robala di eme.
- Dipitsi di fula bjang.



Leina le, Botshelo bja
basepela ka dinao bja
methalo ya pitsi, le
theilwe godimo ga mebala
ya methalo ya pitsi ye
meso le ye mešweu.



Dipitsi, dipere
le ditonki ke
mohuta wa
go swana wa
diphooftolo.

Mešongwana ya go bala ka sehlopha



I

Balela mogwera wa gago mafoko.

Bjale bala mafoko ale gape ka
tatelano ya maleba.

- a. Dipitsi ka moka di pentile methalo mebeleng ya tšona.
- b. Kgoši Tau le yena o rile ke ba babotsana.
- c. Morena le Mohumagadi Pitsi ba ile ba thoma ka go ipenta ka mebalabala ya go fapano gomme ka morago ba ipenta ka methalo ye meso.
- d. Letšatši le ile la tšhumelela methalo ye meso mebeleng ya tšona gomme tša se kgone go e phumola ka go e hlapa.
- e. Morena le Mohumagadi Pitsi ba be ba nyaka go ba babotsana ge ba eya moletlong wo ba bego ba laleditšwe go wona.
- f. Diphooftolo ka moka di ile tša rata methalo ya dipitsi.
- g. Ke ka lebaka leo dipitsi di nago le methalo ye meso.



2

Diragatša kanegelo.



3

Bala dipotsišo gomme o botše
mogwera wa gago dikarabo.

- a. Efa hlogo ya kanegelo.
- b. Baanegwathwadi mo kanegelong ke bomang?
- c. Ba dirile eng gore ba iphetole?
- d. Diphooftolo tše dingwe di ile tša nagana eng
ka ga diphetogo tša tšona?
- e. Naa o ipshinne ka kanegelo ye?
Efa lebaka la karabo ya gago.





4

Ngwalolla o be o feleletše lenaneo la ka tlase ka pukung ya gago ya go ngwalela.

- a. Nyaka mantšu mo kanegelong ao a nago le medumo ye e latelago, gomme o a ngwale.

oo	ao	ou
hl-	tl-	kg-

- b. Hwetša mahlalošetšagotee a 2 a lentšu le: "botse" mo kanegelong ye, gomme o a ngwale.
c. Hwetša mafoko mo kanegelong, ao a nago le fegelwana(,), khutlo(.) le leswao la tlabego(!)
A ngwalolle ka pukung ya gago ya go ngwalela.



5

Ngwalolla kanegelo ka mantšu a gago.
Ngwala temana e l ya bonnyane mafoko a 5.

MPHATO WA 2 LELEME LA GAE



Puku ya 3

Hlogo:	Ka fao pitsi e hweditšego mebala ya yona
Leleme:	Sepedi
Kgato ya:	Puku ya go bala Mphato wa 2 Kgato ya Puku ya 3
Mohuta wa sengwalwa:	Kanegelo
Mantšu a tlwaelo:	bona, mebala, bogega, tšona, hlapa, phumula, noka, ipenta, rata
Tlotlontšu:	dipitsi, mebele, phadima, ikwa, maketše, kubu, tšhukudu, tlou, thutlwa, botse, moletlo
Medumo:	oo, ee, ai, ea, ou, i, ts, th, tšh, tlw, ph, tš
Diteng, mareo le mabokgoni:	<ul style="list-style-type: none">▪ Go latelanya ditiragalo ka maleba.▪ Go diragatša kanegelo.▪ Go botšiša le go arabा dipotšišo tše di theilwego godimo ga tekatlhaologanyo.▪ Go hwetša mantšu ao a nago le medumo ye e latelago mo kanegelong: oo, ou, ea, th, tšh, ts.▪ Go hwetša mahlalošetšagotee mo kanegelong.▪ Go ngwalolla mafoko ao a nago le maswaodikga a a latelago: fegelwana, khutlo le leswao la tlabego.▪ Go ngwalolla kanegelo ka mantšu a gago.

SEPHOLEKE (CAPS) se nyaka gore barutiši ba bee nako ka thoko letšatši ka letšatši go bala ka sehlopha se se itšego sa go hlahlwa.

Go bala ka sehlopha sa go hlahlwa go nyaka gore barutwana bao ba lego maemong a go lekana ka go bala ba bale sengwalwa sa go swana, ka dihlopha ka tlhahlo ya morutiši.

Morutiši o swanetše go beakanya paka ya go bala gore e akaretše mekgwana ya go bala go ya ka go bala ka go bona mantšu le difoneme le ya kwešišo yeo barutwana ba tla e hlokago ge ba bala.

Gape mekgwana ye ya go bala e nyaka gore go be "go bolelwa ka sengwalwa" magare ga morutiši le bana gape le magare ga barutwana mo sehlopheng.

Dipuku tše di akaretša 'go bolela ka sengwalwa' tekatlhao loganyo le mešongwana ye mengwe ya go thuša barutiši gore ba kgone go hlahlha go bala ka sehlopha ka diphapošing tše bona.

ISBN 978-1-4315-2449-5



9 781431 524495



ISBN 978-1-4315-2449-5

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dipuku tše dingwe tše
Leleme la gae tše Mphato
wa 2 Rakeng ya dipuku:



Boati o hwetša bagwera
ba baswa

Bophelo bjo boima

Ka fao pitsi e hweditše
mebala ya yona

Jerry o rata go bala



Bubu, ngwana wa tlou
o a timela

Bagwera ba direlana bjalo

Lepidibitšana la go befa



Pasekela ye mpsha
ya Mogorosi

Diphoofolo di etela lewatle

Leru Leruarua, o a phološa